


ル 5
3667
1






西陲總
統事略



綰 伊
舞 舞
田 纒

西 武
舞 舞
田 纒



西陲總統事畧叙

伊犁爲準噶爾地卽漢之烏孫唐之突厥明之瓦剌也又曰綽羅斯今稱爲厄魯特與和碩特都爾伯特土爾扈特爲四衛拉特非若哈密土魯番巴里坤穆壘之久列藩衛也我

高宗純皇帝神威聖武恢擴遐方自乾隆二十年蕩平達瓦

齊之亂始有其地是年阿睦爾撒納叛越二年將軍

兆惠平之迄二十四年掃清回部南路八城增其式

廓闢千古未闢之土實萬世無疆之休迺監於漢唐

之陋設將軍於伊犁爲南北總統建城九調滿漢眷

兵六千置領隊大臣四屯鎮一撫民理事同知各一
勁旅碁布城郭星羅兵農並寓教養兼施聲教旁敷
無遠弗届大荒以西如哈薩克瓦哩蘇爾坦等咸知
沐浴

聖化駢集共球以視前代之徒事羈縻之術者恢乎遠矣
其間歷任將軍防邊之計各出經營柔遠之方悉有
建樹雖檔案可稽而掌收無次竊恐良法歷久而就
湮增損從心而勢異是總統事畧亟宜泐爲成書以
昭示來茲也嘉慶七年春松湘浦履斯任懷遠招攜
在在周摯養士練卒刻刻關心迺尋哈什闐里沁以

及濟爾噶朗博羅布爾諸河之源疏支導派灌溉屯
田兵食豐盈夷民饒裕向之沙磧戈壁今皆爲樂土
樂郊焉孔子謂善人教民七年可以卽戎湘浦治伊
八年矣凡所爲竭力經營恪盡乃職者皆欽遵

聖明指示而行之不遺餘力所以貽旗屯回民之生計而
資其樂利者誠公而溥大而遠故其諳悉邊情爲最
深爰取歷任籌邊要道輯成總統事畧一書體備而
事賅用周而政舉已巳夏余奉

命量移來伊方以任大事繁難以報稱爲慮途次適接湘
浦寄示伊犁總統事畧十二卷於車中閱之凡山川

城郭土俗夷情治兵治屯撫夷鎮邊之要莫不井井
有條燎如指掌允爲任斯土者所當奉爲圭臬也夫
籌邊之道匪直空言鎮靜也開誠布公以浹洽夷情
養精蓄銳以鼓勵將士宣威布德以推廣

皇仁至於邊境救寧荒穰罔非臣僕旣富方穀甲冑亦曉
詩書不皆爲固結之民安於磐石乎今湘浦之喀什
噶爾叅贊任而猶惓惓於此者蓋不忍前人之良法
或泯而畱爲將來之程式爾踵斯任者因時制宜斟
酌盡善神而明之卽不必規規然盡爲求合而大綱
要領詎能舍是而他求也哉是爲敘

崑

嘉慶十有四年歲次己巳六月上澣宗室晉昌謹撰

校刻西陲總統事畧序

吏部文選司員外郎程振甲撰

昔之人通大宛安息窮極之壤置校尉守之且戰且安輯之推其初心聞天馬葡萄以侈其疆而不思安撫之長策故任張騫班超而通其地任段禧任向而終漢之世不得與幕庭爭逞斯時山川疆索屯戍之利如龍門叙大宛蘭臺叙西陲著稱叛服無常羈縻之而已我

朝定鼎以來若土魯番哈密已入版章尋收伊犁定喀什噶爾等八大城哈喇哈什等十小城其地東起玉門西盡大宛南至于闐北迤西括康居之境環歷天山沿沂河源

皇威所屆悉郡悉邑其外宮以藩衛共球畢集重九譯而
來庭舉前代之荒遠難測可怡可愕者悉於衽席間見之
有河嶽之英生際其辰如我 湘浦先生者敷歷中外鎮
撫有年闢其田使速耕導其川使速漑百穀草木禽魚之
利無殊中俗又多良馬供驅策月日講詰戎之禮射生攸
飛注矢環甲旌燾一揮汗血千里鞭鞘所指屬國駿奔卡
倫之設嚴於桎梏而大將軍方且設庠序之教申之以三
物六德之媿與小民相更始欲胥殊俗而還乎淳且令人
我境者懷我好音極之大夏月支烏弋山離以西喁喁向
化暇則考山水方界之延袤與夫民情物俗政事之得失

各根其實都爲一卷凡十二卷是書也意繁而旨博於伊
犁安撫之長策尤三致意焉後之人守其土讀其書奉其
成法思其明德茂功與立言俱不朽若藏之名山則祁連
嵯峨四徹中繩爲積書之巖無疑也 振甲與先生雅故同
在樞垣先生之督兩江也遣次子 洪溥往謁出此書寄示
卽爲校刊且序其後

西陲總統事畧序

伊犁為西域總統之區自南北兩路戡定以來迄今已閱五十餘載各城案牘日積悉關舊章特因紀載未有成書每遇行查事件不免參差掛漏攷核無資丙寅冬^筭曾有纂辦通志之請仰蒙

聖鑒以邊地書籍罕徵難於纂輯

特命館臣續纂西域同文志嗣是各城奉文查送事宜均由伊犁彙總核轉款冊紛如昔嘗伏讀

高宗純皇帝御製文詩兩集又承乏西北數歷有年於邊事見聞較悉因就彙核之暇檢前此汪知縣廷楷原輯

未成之稿屬神郎中韻士重加排纂一手編輯用叙
兵屯鎮撫之要邊防形勢之宜仍復親爲釐定並令
城守尉宗室賡寧爲繪輿圖書成凡十二卷自愧弁
陋少文不敢妄言志乘名曰伊犁總統事畧藏之衙
齋用備公餘省覽或於守土思職之義不無小補焉
嘉慶戊辰長夏松筠湘浦謹識

西陲總統事畧總目

卷一

初定伊犁紀事

初定回疆紀事

伊犁駐兵書始

伊犁興屯書始

卷二

南北兩路全境圖說

卷三

南北兩路疆域總叙

總目

南北兩路山水總叙

南北兩路卡倫總叙

南北兩路軍台總目

卷四

官制兵額

兵書

自此以下至卡倫門專叙伊犁本境之事

職官題名

卷五

城池衙署

旗井

疆域山川

壇廟祠宇

糧餉

茶布

卷六

訓練

軍器

營務成案

卷七

兵屯

戶屯

水利

旗屯

水利

回屯

水利

屯務成案

總目

卷八

錢法

銅鉛廠 煤廠

船工

壩工 木稅

圖籍

數學

世職

節孝

卷九

牧廠

廠務成案

卡倫

會議卡倫成案

卷十

塔爾巴哈台事畧

烏魯木齊所屬事畧

回疆各城事畧

卷十一

土爾扈特源流

哈薩克源流

布魯特源流

霍罕路程記

卷十二

漢烏孫釋地

唐西突厥釋地

哈薩克馬說

渥洼馬辯

厄魯特舊俗紀聞

回俗紀聞

附

西陲竹枝詞 祁韻士著

西陲竹枝詞 祁韻士著

西陲總統事畧目錄

卷一

初定伊犁紀事

初定回疆紀事

伊犁駐兵書始

伊犁興屯書始

增定伊犁紀事

增定伊犁紀事

增定伊犁紀事

增定伊犁紀事

卷一

西陸總統事畧目錄

西陸總統事畧卷一

宮保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室廣寧安齋繪圖

前任吏部員外郎程振甲也園校刊

初定伊犁紀事

新疆南北兩路以伊犁為總統伊犁之隸版圖始自乾隆二十年兵凡三入迺底定前此本準噶爾幕庭也準噶爾者四衛拉特之一明史稱為瓦刺今稱厄

魯特凡四部一曰綽囉斯卽準噶爾一曰和碩特一曰都爾伯特一曰土爾扈特因土爾扈特曾徙俄羅斯境以都爾伯特所屬之輝特代之四部游牧環處今伊犁之地準噶爾世爲酋長明史所載脫歡太師也先蓋其始祖先本元之臣僕元亡而其強臣分爲三其渠曰馬哈木者卽脫歡之父自脫歡逮孛汗世次不可攷孛汗背正妻與他婦野合而生子曰烏林台巴勒太師其母棄之澤中孛汗收養之及長遂統部落又十二世而傳至巴圖魯渾台吉始強大渾台吉卽所謂汗也有子十一人噶爾丹其第六子性最

兇狡初在西藏爲喇嘛後反俗爲汗虐其昆弟子姓弟僧格旣爲兄策臣巴圖魯所戕噶爾丹又殺僧格次子索諾木阿喇布坦其長子策妄阿喇布坦偕僧格舊臣七人遠逃準語謂之多倫弩庫爾多倫者漢語謂七弩庫爾漢語謂友蓋言患難相友並赦其子孫七死云噶爾丹拘繫和碩特台吉鄂齊爾圖殺之收所屬人衆併入準噶爾鄂拓克齊諸衛拉特奉已令蠶食諸部回人畏其威役屬之其牧東與喀爾喀四部鄰久涎富庶謀往掠又怨喀爾喀土謝圖汗察琿多爾濟嘗助鄂齊爾圖且與連姻欲攻之適察琿

多爾濟與札薩克圖汗成袞互匿逃衆自相忿爭達
賴喇嘛遣噶爾丹西勒圖蒞盟於庫倫伯勒齊爾土
謝圖汗之弟哲卜尊丹巴胡土克圖與之抗禮噶爾
丹聞之謂其不尊達賴喇嘛貽書詰責康熙二十七
年引兵三萬闖入喀爾喀境由杭愛山大掠扎薩克
圖汗迎附之察琿多爾濟禦之於特穆爾不克走翁
吉噶爾丹偵哲卜尊丹巴胡土克圖居額爾德尼昭
遣其別將往攻而自領兵東趨克魯倫掠車臣汗牧
尋還掠圖拉察琿多爾濟悉衆鏖戰於鄂羅會諾爾
三日衆潰喀爾喀四部皆被擾害土謝圖汗與車臣

汗札薩克圖汗先後叩邊內附噶爾丹遣使請逐還
土謝圖汗等勿納

聖祖仁皇帝惡其狡決策

親征三十五年

駕由克魯倫視師授大將軍費揚古方畧大破其衆於昭莫
多噶爾丹敗竄部衆離散仰藥死喀爾喀四部始安
噶爾丹旣死其姪策妄阿喇布坦由博羅塔拉還故
土收其遺衆保伊犁懼

天朝兵威上書乞通好極恭順獻噶爾丹尸且擒獻噶爾丹
子凡我索俘取地無敢不共乃班師旣而策妄阿喇

布坦據汗位歷十餘年部落繁滋漸驕橫五十四年遣兵二千襲哈密掠牲畜繼又謀并唐古特卽今西藏時有和碩特之拉藏汗者居唐古特地子二人一名丹衷一名索爾札時策妄阿喇布坦計誘拉藏汗以女博托洛克妻丹衷疑其善哈喇爾巫蠱術以兩釜夾丹衷身烙死遂令其族兄大策零敦多卜領兵六千出不意襲西藏擒殺拉藏汗並擄其次子索爾札據藏地毀寺廟散番衆大肆劫掠五十九年

詔發大兵進勦授都統延信爲平逆將軍護軍統領噶爾弼爲定西將軍分路進藏連敗賊衆大策零敦多卜力

不支乃引衆攜索爾札逃歸西藏始安策妄阿喇布坦死子噶爾丹策凌嗣爲汗尤狡譎頗能用其父舊人大策零敦多卜稱善謀小策零敦多卜以勇聞時西北兩路駐兵噶爾丹策凌以送還叛賊羅卜藏丹津爲名偵大將軍查朗阿入覲掠西路馬羣於巴里坤因藉所獲馬力擣營於科布多屢犯邊界勢張甚雍正十年額駙超勇親王策凌奉

世宗憲皇帝命率軍進討大敗之於額爾德尼昭噶爾丹策凌乞和廼罷兵還當是時新疆之地惟哈密土魯番巴里坤穆壘爲我邊塞置斥堠其天山南北之西境

皆準噶爾所據以兵威迫脅回部執其酋瑪哈墨特
父子拘之於阿巴噶斯鄂拓克以回民分隸各昂吉
下而役使之且耕且牧號強富故自噶爾丹策凌父
子繼世以來雖屢經大軍挫衄尚未犁其庭而掃其
穴也

高宗純皇帝卽位之初亦姑置之惟令嚴戍守謹邊備而已
遇其遣使入貢則優遣之彼遂亦無能爲噶爾丹策
凌死子策妄多爾濟那木扎爾嗣年幼縱恣其姊鄂
蘭巴雅爾同母出也每以善言相勸久之遂不受其
禁制謂其姊欲效俄羅斯自立爲扣肯汗拘繫之並

肆行殺戮益無忌鄂蘭巴雅爾之夫薩奇伯勒克助
噶爾丹策凌庶子喇嘛達爾札攻而弑之喇嘛達爾
札遂篡汗位初噶爾丹策凌欲與唐古特釋怨給索
爾扎人十戶資養之並以丹衷妻博托洛克給韋徵
和碩齊爲妻其在丹衷處所生子曰班珠爾給五戶
資養時博托洛克復有孕未產適韋徵和碩齊後乃
生一子曰阿睦爾撒納雖爲輝特台吉實與班珠爾
皆丹衷之子有噶爾丹策凌幼子策旺達什者阿睦
爾撒納班珠爾謀立爲汗喇嘛達爾扎覺之殺策旺
達什並殺小策零敦多卜之子達什達瓦阿睦爾撒

納班珠爾乃向大策零敦多卜之孫達瓦齊告以禍
將及相率避入哈薩克境未幾潛歸舊牧阿睦爾撒
納殺其兄沙克都爾據其衆復與伊犁喇嘛等合謀
殺喇嘛達爾札遂立達瓦齊爲汗阿睦爾撒納用事
會達什達瓦之姪訥默庫濟爾噶爾欲與達瓦齊分
領準噶爾猝率兵一萬與達瓦齊戰達瓦齊兵敗走
其牧額密爾即今塔爾巴哈台之地與阿睦爾撒納會阿睦爾
撒納爲設計誘執訥默庫濟爾噶爾誅之達瓦齊仍
立爲汗阿睦爾撒納本垂涎汗位欲令綽囉斯族自
相殘已得乘間遂所欲衆宰桑譖之達瓦齊與阿睦

爾撒納有隙阿睦爾撒納遂與班珠爾等約哈薩克
掠額密爾游牧且耕額爾齊斯爲自固計達瓦齊凡
三遣兵往勦皆不克其後自領兵三萬至額爾齊斯
蹙之阿睦爾撒納勢窘乃乞降先是都爾伯特台吉
車凌車凌烏巴什車凌蒙克見達瓦齊與訥默庫濟
爾噶爾構兵準噶爾亂率所部求內附卽所謂三車
凌也至是阿睦爾撒納班珠爾又率衆來降具言準
噶爾將亡乞進兵爲嚮導

上以達瓦齊虐所部人民陷水火且降衆日集錯處喀爾喀
邊汎非長久計莫若因其俗而安撫之俟定伊犁後

設四衛拉特汗如其舊乃定議分路出師時乾隆十九年也明年春定北將軍班第由北路進阿睦爾撒納副之定西將軍永常由西路進先降之宰桑薩拉爾副之大軍均於二月啓行比入境所過鄂拓克宰桑人等攜羊酒糗糒迎恐後五月大軍遂入伊犁達瓦齊竄格登山大軍踰伊犁河追之達瓦齊兵近萬結營以待負格登崖臨淖將軍等議曰大兵經萬餘里未嘗血刃遺鏃今達瓦齊懼誅爲負嵎計擗伐之恐玉石俱焚毋乃非

聖天子救寧絕域意不若誘擒之善選喀喇巴圖魯阿玉錫

巴圖濟爾噶爾察哈什三人領健卒二十二宵策馬入其營覘賊向賊潰降其衆七千餘達瓦齊以百餘騎逸叅贊大臣達爾黨阿躡擊之收達瓦齊叔父班珠爾及餘衆六千餘達瓦齊踰庫魯克嶺將軍班第遣使分道往索烏什伯克霍集斯偵達瓦齊將走喀什噶爾以兵伏林中遣其弟攜酒及馬給迎達瓦齊至則伏驟起擒之其子羅卜扎及宰桑阿爾奇等七十餘人悉就縛霍集占馳以告班第遣兵迎之於穆蘇爾達巴罕械送京師準噶爾平當阿睦爾撒納之乞進兵也本欲假手大兵滅準噶爾覲以已爲渾台

吉總轄四衛拉特

上預燭其奸至是分封四汗以彼爲輝特汗車凌爲都爾伯特汗班珠爾爲和碩特汗新降之台吉噶爾藏多爾濟爲綽囉斯汗阿睦爾撒納旣失望萌異志時以流言煽惑諸鄂拓克居常不肯衣

賜服用私印行軍檄叛跡漸露將軍班第等密陳其狀

上令相機擒誅之尋以凱旋大宴

召覲熱河阿睦爾撒納遷延不遠行潛遣人赴阿勒台取其孛約日颺去而先已有

言今且三五年難蘇台大臣爲之備計不行乃中途叛歸而

爲彼煽惑者同時作亂八月伊犁宰桑克什木巴朗糾衆及喇嘛等肆逆時大兵已撤軍營僅駐五百名力不敵將軍班第叅贊大臣鄂容安雙烈殉節焉西路軍台爲阿巴噶斯哈丹等所斷北路之包沁人等亦闌出卡倫肆掠道路爲梗旣而阿睦爾撒納聞將軍策楞率大軍將至伊犁台吉宰桑等悔從逆之罪謀擒彼迎降以自贖乃先期遁掠喇嘛馬駝走哈薩克二十一年二月大軍再入伊犁逆賊克什木等伏誅阿巴噶斯渠魁亦就殲大軍壓哈薩克境阿睦爾撒納以哈薩克兵拒戰輒敗相距僅一谷阿睦爾撒

納易服潛匿乃僞爲哈薩克遣使詭言卽欲擒獻因其汗阿布賚未至乞暫緩師時策楞已獲罪達爾黨阿代爲將軍信其言按兵待獻阿睦爾撒納遂得竄走達爾黨阿亦坐是獲罪自阿睦爾撒納叛後其兄班珠爾以附逆擒械至京別以台吉沙克都爾曼濟爲和碩特汗台吉巴雅爾爲輝特汗是年冬巴雅爾復叛將軍兆惠時鎮伊犁駐兵濟爾噶朗調諸部落兵協勦而綽羅斯汗噶爾藏多爾濟之從子台吉扎納噶爾布及噶爾雜特宰桑哈薩克錫喇中變助逆又噶爾藏多爾濟亦與布魯古特台吉呢瑪等糾結

爲亂兆惠移兵勦捕甫至鄂壘扎拉圖遇達什策凌等賊衆乘其不備夜出衝殺殲千餘人是爲鄂壘扎拉圖之戰噶爾藏多爾濟糾衆邀歸路連戰不退適侍衛圖倫楚援兵至并力夾擊賊始解去我軍全隊還駐巴里坤二十二年春大軍分路進討喀爾喀親王成衮扎布偕叅贊大臣舒赫德由珠勒都斯進伊犁將軍兆惠偕叅贊大臣富德由額林哈畢爾罕進成衮扎布軍過克勒特烏魯特沙拉斯嗎唬斯等鄂拓克皆撫降其衆而未取其馬駝大軍旣過皆叛去乃旋師殲除之兆惠軍行至庫隴癸地近伊犁叛黨

昂克圖塔爾巴等據險抗拒適大軍前行後隊將士
僅八十餘人乘曉霧與鏖戰并於奪險攻賊時遣侍
衛扎延保收其牧羣賊不能脫四宰桑殲其二餘眾
悉被斬獲所向克捷直入伊犁適阿睦爾撒納竊哈
薩克馬竄歸伊犁揚言哈薩克助已聚眾爭長突遇
大兵至脫身遁時噶爾藏多爾濟已爲其姪扎納噶
爾布所殺台吉達瓦又殺扎納噶爾布獻其首於軍
門侍衛海蘭察追射巴雜爾就獲和碩特汗沙克都
爾曼濟心懷攜貳亦爲叅贊大臣雅爾哈善所戮凡
逆黨之助惡者以次伏法將軍兆惠駐守伊犁叅贊

富德率兵追捕阿睦爾撒納路遇哈薩克兵咸懼伏
其汗阿布賚以屢爲阿睦爾撒納所賣恨之遣使詣
軍乞稱臣貢馬且誓擒逆賊自効阿睦爾撒納窮蹙
奔俄羅斯尋斃以其尸獻準噶爾之眾自疊經變亂
以來死亡畧盡或流爲嗎哈沁竄伏山谷間搜捕悉
平伊犁自此永定此

國朝用兵討逆之始末也嘗攷西師之役我

高宗純皇帝初意未嘗利其土地而欲疆域之也達瓦齊旣
擒卽擇其酋帥分封四汗使如衛拉特之舊

聖心光明正大仁至義盡昭如日星使彼稍有人心自當感

戴

鴻慈矢忠効順世爲藩服庶帶礪之盟可以永遠弗替無如
梟獍之徒狃於積習逞其變詐自作不靖阿睦爾撒
納辜負

聖恩反覆僉回實爲罪魁班珠爾巴雅爾噶爾藏多爾濟等
相率效尤乘間竊發均自底於滅亡而其他助惡逆
黨無一不身被顯戮靡有孑遺此固書所謂自作孽
不可活者矣惟是準噶爾之平實啓自阿睦爾撒納
忽降忽叛兵端由此起卽疆輿由此定天若特生此
人以爲驅除之資我

高宗純皇帝神謨默運

洞燭幾先遂闢千古未闢之土

鴻功偉烈炳耀奕禩豈偶然哉

初定回疆紀事

乾隆二十二年伊犁既定始有事於回部至二十四年而亦定今之喀什噶爾英吉沙爾葉爾羌和闐烏什阿克蘇庫車喀喇沙爾八大城皆其地也若土魯番哈密則自

國初已內附不在八城之內亦有回衆居之初回人以天方爲祖國錯居西域或城郭處或逐水草徙稱花門種相傳其祖派哈木巴爾以事天爲本重殺不食犬豕肉嘗以白布蒙頭故有纏頭白帽之稱族類滋繁本非準噶爾所屬因畏其疆遂役屬於準噶爾羈

其男婦責其賦稅虐使之其會瑪哈墨特者世居喀什噶爾葉爾羌二城爲衆所服噶爾丹策凌聞而惡之召至拘繫之不許歸故土其子二長曰布拉泥敦次曰霍集占卽回人所稱大小和卓木者也隨其父囚繫有年終準噶爾之世不得脫大軍定伊犁時瑪哈墨特已死布拉泥敦霍集占迎降獻款意甚恭將軍班第奏釋之以兵送布拉泥敦歸喀什噶爾俾統其舊屬而令霍集占畱居伊犁撫其在伊犁之衆兄弟二人俱狡黠霍集占尤甚阿睦爾撒納之叛霍集占助逆爲攻勤王之台吉宰桑等及我師再入伊犁

阿睦爾撒納走哈薩克霍集占亦乘間竄歸葉爾羌時回部各城酋長先已輸誠効順稟大軍約束及霍集占歸乃爲煽脅計置其心腹於各城偵我師動靜欲竊據回疆以自雄而未發也會伊犁將軍兆惠遣副都統阿敏道赴回城議事霍集占以兵迎執而殺之遂與其兄布拉泥敦各據城叛別城爲所煽皆觀望持兩端有應之者二十三年春大軍進勦圍庫車霍集占糾衆五千來援喀爾喀郡王徹布登扎布迎繫之於和落霍漸敗其衆生擒宰桑渥赭特賊至鄂根河岸副都統愛隆阿率兵蹙之大殲賊衆霍集占

亡其纛走入庫車閉城守尋以四百騎乘夜潰圍遁
庫車城下將軍雅爾哈善以縱賊獲罪

上命將軍兆惠往代其軍時兆惠方搜捕準夷餘孽抵布魯
特境收服其衆聞有是

命旋師而東有霍集斯者烏什大伯克也嘗擒獻達瓦齊布
拉泥敦兄弟忌其族彊佯與之善霍集斯亦佯附之
霍集占援庫車令霍集斯駐阿克蘇以待及由庫車
遁還將徙阿克蘇之衆於烏什阿克蘇回人閉城拒
乃令霍集斯脅城外數百戶遷烏什霍集斯陰納烏
什諸頭目欲延霍集占入飲縛之霍集占疑詐霍集

斯請自召烏什衆徙喀什噶爾甫入城以兵拒霍集
占懼而西走及大軍至阿克蘇回衆逐霍集占所置
伯克獻城降霍集斯亦由烏什詣軍門納戶籍且請
從征自効十月六日將軍兆惠率師直薄葉爾羌攻
其城霍集占畫溝立隊以自固我兵以少擊衆凡三
搏戰殲獲甚衆賊擁入城不出偵知賊游牧在城南
英峩奇盤山計乘虛襲其輜重以制之十三日取道
城東渡河未及半而橋圯已過者僅四百餘騎賊大
至馬步萬餘蓋布拉泥敦由喀什噶爾自來援所率
以助戰者皆至其師如林我軍爲所困而其地又皆

沮洳人馬難行且戰且逾河殺賊千餘因退保喀喇
烏蘇結營固守是爲通古思魯克之戰所云喀喇烏
蘇者卽黑水也今其地乃名爲洗泊云先是

上以兆惠富德在行間久其母年皆老別授伯納木扎爾爲
將軍侍郎三泰爲叅贊大臣往代至是行抵葉爾羌
聞銃礮聲知我軍與賊戰率百餘騎前進兆惠遣人
間道迎俾勿前路相左弗值遂遇害時叅贊大臣舒
赫德駐守阿克蘇聞軍營被圍信以續調更換之索
倫察哈爾健銳營及陝甘綠營兵已過闕展馳檄催
進先至者率以行副將軍富德繼之次年正月六日

至呼爾璦遇賊騎五千麾衆與戰三晝夜不退適叅
贊大臣阿里衮由巴里坤以百餘人解馬至乃分翼
奮擊殲賊甚衆餘悉負傷敗走布拉泥敦脇中銃創
甚昇入城戰時銃礮聲遠震數十里黑水營中聞之
度援師已至急遣人突圍出持牘相聞勵兵奮擊焚
毀賊營數處戮賊千餘是月十四日圍解兩軍會合
當大軍之被圍也以周行萬餘里道遠馬力疲兵僅
三千餘賊以萬餘人據城抗拒主客勞逸之勢不相
侔是以稍有挫衄然賊怵我兵威又繕備甚嚴彼竟
無能爲或導渠水灌我軍輒預濬濠引之入河轉資

其用或用雲梯來攻輒應手破之或據高施銃鉛丸
空集營樹上我軍伐木爲薪得鉛丸萬億取以擊賊
賊輒斃初有兩月糧久之食且盡營中忽掘地得藏
糧百餘窖賊驚以爲神故困守雖逾三月而人皆有
固志及援軍至以疾行戈壁中馬力復疲賊據險遮
之幾不能進而後隊解馬之軍因

上先慮及馬疲應更換故阿里袞奉

旨送馬早行在途恰於是時不期而至夜搗賊壘內外夾擊
賊不知我兵共有幾萬握炭流湯之徒自相蹂躪死
亡無算賊之精銳盡於是役大軍全師而還駐阿克

蘇蓋

天之助順若此初兆惠攻葉爾羌時別遣侍衛齊凌札布噶
布舒及回長鄂對等往招和闐降其六城及黑水被
圍霍集占遣其黨攻和闐齊凌札布等分守伊里齊
哈拉哈什玉隴哈什三城百計抵禦以待援師其餘
三城力不支復降於賊至是遣副都統巴圖濟爾噶
爾瑚爾起等分路往救值大霧乘勢掩擊斬賊渠阿
布都海里克及霍集雅斯於陣餘黨敗遁和闐復定
六月大兵旣集分道進討兆惠由烏什直取喀什噶
爾富德由和闐直取葉爾羌霍集占兄弟各據一城

本欲首尾相救策應枝梧聞我兩路軍同時並進計
大窘布拉泥敦知不可支先期遁喀什噶爾回衆以
城降霍集占勢孤尋亦遁葉爾羌回衆以城降兩城
次第撫定閏六月叅贊大臣明瑞率偏師追躡賊踪
諜知兩酋竄伏塞爾古勒其地爲通巴達克山安集
延兩部之要路逆酋兄弟欲投巴達克山其黨欲投
安集延議未決我師悉力窮追至霍斯庫魯克賊避
其輜重婦女以六千人登山拒守我軍先至者九百
騎奮勇仰攻鏖戰三時斬馘數百俘其男婦駝馬賊
轉向巴達克山一路而逸度我兵追且至設伏於阿

爾楚爾兩山之巔富德率兵繼至與明瑞合議曰衆
寡勢殊彼又先據險要非整旅結陣難出萬全因以
健銳營火器當其中堅更張左右翼設奇兵與戰殺
賊千餘斬其大伯克數十人賊披靡竄七月乘勝追
及之於伊西洱庫爾淖爾此地山高而石聳淖爾緣
邊僅容單騎布拉泥敦據守山嶺霍集占悉衆阻淖
爾隘口我軍分布攻擊賊大敗因樹燾招降賊衆紛
紛乞命霍集占手刃之不能止度勢不可爲奪馬繞
山走與布拉泥敦遁往巴達克山部餘衆悉降大軍
發檄諭令尅日縛獻巴達克山汗素爾坦沙聞之亟

率兵邀於路生擒布拉泥敦尋斃霍集占中銃死廼
函其首以獻並納款稱臣凱旋回疆悉定是役也我
高宗純皇帝以逆賊霍集占兄弟黨惡負

恩背叛戕害大臣不得已而用兵罪止及渠魁脅從者咸
宥而撫之聽其墾種各安舊業薄取其賦除去準噶爾一切

苛政回民大悅回日之從征有功者一一

頒爵酬庸視蒙古王公秩最著者若土魯番之貝勒額敏和

卓晉封郡王後其子伊斯堪達爾承襲哈密貝子玉素卜晉封郡

王品級貝勒後其孫額爾德錫爾承襲庫車貝子鄂對晉封貝勒

品級後其孫邁哈默特鄂三承襲貝子其次若烏什之色提卜阿勒

氏由輔國公晉封貝子品級後其子邁默特阿卜都拉承襲噶岱默

特給公品級後其孫邁瑪第敏承襲薩里給三等輕車都尉後

子海色木承襲其封爵後移居京師者則烏什之郡王品級

貝勒霍集斯後其子哈第爾承襲和闐之輔國公和什克後其子伊

巴喇伊卜承襲葉爾羌之輔國公額色尹後其子喀沙和卓承襲及圖

爾都後其子託克託承襲札薩克一等台吉馮木特後其子巴

二等台吉阿布都爾瑞後其子阿卜都呢咱爾承襲及帕爾薩後

子巴巴克和卓承襲土魯番之一等台吉哈什木後其子阿是

也回疆既定設官分理悉因其伯克舊名而加以

天朝品級自三品至七品有差其總辦回務秩之最優者曰

阿奇木伯克協理者曰伊什罕伯克管理錢糧者曰
噶咱訥齊伯克商伯克司刑名者曰哈資伯克司貿
易匠役者曰納克布伯克司諷經者曰摩提色布伯
克司田產交易者曰密圖巴理伯克司水利者曰密
拉布伯克司來使供給文移者曰都管伯克司牲畜
稅者曰巴濟格爾伯克司菓園者曰巴克瑪塔爾伯
克備差遣者曰什瑚爾伯克承徵錢糧者曰阿爾巴
布伯克巡捕者曰帕提沙布伯克管本城村一切事
及雜差者曰明伯克司外來貿易稅者曰克勒克雅
拉克伯克司教幼童經者曰默克塔布伯克司街道

巡園木者曰塞依得爾伯克司軍器者曰哲百伯克
皆由駐劄大臣選補五品以上專摺具奏
六品以下報部彙題大小相維
各共乃職永爲臣僕以視前代之於西域諸國第爲
羈縻勿絕謂爲有其地不足守得其人不足臣者洵
不可同日而語矣

不同日而語矣
谷共以知不...
皆由封障大至...
五品以上專...
大小...
國木...
...

伊犁駐兵書始

新疆滿洲綠營官兵分布南北兩路有駐防換防之分駐防者攜眷之兵永遠駐守惟伊犁及烏魯木齊古城巴里坤滿洲綠營皆然土魯番滿營兵亦如之北路之塔爾巴哈台滿兵則自伊犁調撥南路之喀什噶爾英吉沙爾葉爾羌烏什阿克蘇滿兵則自烏魯木齊古城巴里坤調撥其綠營兵則自內地調撥皆輪班更替非常駐者也伊犁地極西徼又為將軍帥庭故較之烏魯木齊駐兵尤多有滿洲蒙古八旗兵有綠營屯兵有錫伯索倫察哈爾厄魯特等兵環

衛森嚴所以靖邊圉而資控馭最爲整肅溯其始駐之年各有不同惠遠城滿營始自乾隆二十九年至三十一年由熱河涼州莊浪移駐惠寧城滿營始自乾隆三十五年至三十六年由西安移駐錫伯營始自乾隆三十年由

盛京移駐索倫達虎爾營始自乾隆二十九年由黑龍江移駐察哈爾營始自乾隆二十九年由張家口外移駐厄魯特有自乾隆二十九年由熱河移駐者爲達什達瓦厄魯特達什達瓦者準噶爾台吉小策零敦多卜之子爲其汗喇嘛達爾札所殺屬衆投誠安

插熱河事在準噶爾未滅之前有自準噶爾旣滅於乾隆二十五年以後陸續招撫並由哈薩克布魯特投出者又有沙畢納爾人等於乾隆三十六年隨土爾扈特歸順安插伊犁者此外綠營屯兵則自乾隆二十五年以後三十五年以前由陝甘兩省陸續移駐至四十三年始改爲攜眷者此各營官兵先後駐防之大畧也若夫兵制額缺以及操防屯守之詳另載兵額訓練兩門

新疆各城屯田有兵屯有回屯有戶屯而無旗屯惟伊犁皆有之兵屯者綠營兵丁之屯回屯者回民之屯皆創自乾隆二十五年時初設兵駐守

伊犁興屯書始

新疆各城屯田有兵屯有回屯有戶屯而無旗屯惟伊犁皆有之兵屯者綠營兵丁之屯回屯者回民之屯皆創自乾隆二十五年時初設兵駐守

高宗純皇帝以武定功成農政宜舉

特命叅贊大臣阿桂專理屯田由阿克蘇率滿洲索倫驍騎

五百名綠營兵百名回子三百名越穆蘇爾達巴罕

至伊犁鎮守辦事搜捕瑪哈沁招撫潰散之厄魯特

即以綠營兵築城回子乘時興屯開渠灌漑是為伊

犁屯田之始二十六年至三十四年陸續由內地增

調屯田兵至二千五百名五年更替以五百名差操
二千名屯種四十三年將軍伊勒圖

奏准改爲攜眷定額三千名以五百名差操二千五百
名屯種分爲二十五屯仍視倉儲之多寡隨時增減
屯種此兵屯也回屯自阿克蘇原帶回子三百名於
伊犁河南海弩克之地分撥墾種次年調取伯克並
由烏什葉爾羌和闐哈密土魯番等處陸續增調回
子至三十三年共有六千三百八十三戶內除彥齊
回子彥齊者隨伯克品級
給與服役之回子三百二十三戶種地所收
之麥爲大小伯克及挖鐵回子六十戶養贍口糧外

奏定種地回子六千戶分爲九屯於固爾札建寧遠城
居之設阿奇木伯克管轄此回屯也戶屯者商民之
屯創自乾隆三十七年將軍舒赫德

奏明客民莊世福等四十八戶以無礙屯工之隙地請
撥令開墾卽於本年陞科永爲土著此戶屯也以上
兵回戶屯等項行之有年其來已久惟旗屯一項則
前此所未有至嘉慶七年而始興先是乾隆二十九
年奉

高宗純皇帝諭旨伊犁田土肥潤如敷多人耕作莫若令滿
洲官兵分種旣得勤於力農而於養贍家口喂養馬匹均

屬有益著查明地畝俟滿兵到齊後酌量分給耕種欽此
其時將軍明瑞覆奏以附近伊犁二百里以內可種
之地甚多俟官兵到齊再爲妥議辦理嗣於回屯之
東開築新渠因地勢較高未就緒而罷三十七年又
設法引水爲土爾扈特屯田不一二年亦罷迨乾隆
五十年五十五年疊奉

諭旨駐防官兵生齒日繁而國家經費有常伊犁地廣田肥
著分給官兵地畝個人耕種用資生計欽此歷任將軍皆
以灌溉乏水未及籌辦嘉慶七年將軍松筠相度地
形親爲履勘始得導水要領

奏明於惠遠城東伊犁河北岸濬大渠一道逶迤數十
里引用河水灌田又於城西北草湖中覓得泉水設
法疏濬築堤岸開支渠引溉旗屯地畝又於城東北
就渠畔擇可種善地分授惠遠城官兵播種而以前
此綠營裁撤之屯授惠寧城八旗官兵均令閒散餘
丁代耕並僱人佃種永爲世業得

旨允行嗣又濬大渠一道與前所濬之渠通名通惠渠並
於其東阿齊烏蘇地方濬大渠引丕里沁山泉之水
灌田數萬畝此又旗屯之所由始也節次原奏及所
奉



新疆南北兩路全境總圖

北路 伊犁 塔爾巴哈台 庫爾喀喇烏蘇 烏



魯木齊 古城 巴里坤

南路 喀什噶爾 英吉沙爾 葉爾羌 和闐

烏什 阿克蘇 庫車 喀喇沙爾 土魯

番 哈密

卷二 圖說



北路各城總圖

伊犁

塔爾巴哈台


庫爾喀喇烏蘇

烏魯木齊

古城


巴里坤

黃鼎熙景光鑄




卷二 圖說

四





西



張培根鐫

伊犁圖說

東界烏魯木齊所屬之精河 東北界塔爾巴哈台
 西北界哈薩克 西南界布魯特通喀什噶爾
 南界烏什阿克蘇庫車喀喇沙爾
 總統伊犁等處將軍駐劄惠遠城 惠寧城領隊大臣一
 臣一 錫伯營領隊大臣一 索倫營領隊大臣一
 察哈爾領隊大臣一 厄魯特領隊大臣一 屯
 鎮總兵一
 伊犁東北七百餘里與塔爾巴哈台接界一帶
 有察哈爾卡倫二十三座外係哈薩克游牧由彼迤西而
 南至伊犁河北岸有索倫卡倫八座外係哈薩克游
 牧自伊犁河南岸而西有錫伯卡倫十六座外係哈
 薩克游牧卡倫西南回子屯所設有卡倫一座自錫
 伯迄西轉南而東有額魯特卡倫十七座其外西北
 係哈薩克游牧西南係布魯特游牧又東南有厄魯
 特卡倫八座界連喀喇沙爾游牧之土爾扈特和碩
 特兩部禁其屬下私越又惠遠城東北塔爾奇一帶
 有滿營卡倫七座專為照料貿易哈薩克並為稽查
 逃人而設




圖說

六

南

北


西



黃鼎茂鑄


塔爾巴哈台圖說

東北界科布多 東南界庫爾喀喇烏蘇 西南界
 伊犁 西及北界哈薩克
 參贊大臣駐劄 領隊大臣二
 游牧土爾扈特親王一 公一 公品級扎薩克頭
 等台吉一 協理台吉二 其游牧地名和博克薩
 里
 塔爾巴哈台東北與科布多以額爾齊斯河為界河
 西卡倫自輝邁拉虎至塔爾巴哈台共卡倫十三座
 冬季則撤回百里至二三百安設至夏初復展設原
 處其西南一帶卡倫共八座與伊犁連界向不展撤
 西北卡倫以外俱係哈薩克游牧



卷二
圖說
東

八



南

北

卷二
圖說
西

庫爾喀喇烏蘇圖說

東界烏魯木齊本屬之瑪納斯即綏來縣 西界伊

犁 北界塔爾巴哈台 南阻大山

領隊大臣駐劄隸烏魯木齊都統轄

精河游牧土爾扈特貝勒一 協理台吉一

濟爾噶朗游牧土爾扈特郡王一 貝子一 協理



台吉一

庫爾喀喇烏蘇安設卡倫八座係綠營分撥弁兵稽

查土爾扈特屬下人禁其私越並巡緝一切逃人歸


領隊大臣專轄

杭鼎鑄




烏魯木齊圖說

東界所屬之古城 南界喀喇沙爾 西界所屬之
庫爾喀喇烏蘇 西北界塔爾巴哈台 東北界科
布多 都統駐劄 庫爾喀喇烏蘇領隊大臣一
古城領隊大臣一 巴里坤領隊大臣一 土魯番
領隊大臣一 提督一
烏魯木齊安設卡倫十四座滿營及綠營分派官兵
稽查巡緝又瑪納斯安設卡倫十四座喀喇巴爾噶
遜安設卡倫三座濟木薩安設卡倫五座係綠營分
派弁兵巡防均歸都統管轄



南



西


北




黃國達鐫

古城輿圖

東界巴里坤 西界烏魯木齊 南阻大山 北界
 科布多
 領隊大臣駐劄隸烏魯木齊都統轄
 古城安設滿營綠營卡倫共六處係領隊大臣專轄



南



北

巴里坤圖說



東阻大山 西界烏魯木齊本屬之濟木薩 南界

哈密 北界喀爾喀

領隊大臣駐劄隸烏魯木齊都統轄 總兵一

巴里坤安設卡倫七座係鎮屬各營分派官兵稽查
巡緝仍歸領隊大臣專轄

張培本鐫



黃昇鼎鐫

南路各城總圖

喀什噶爾

英吉沙爾

葉爾羌

和闐

烏什


阿克蘇

庫車

喀喇沙爾


土魯番

哈密



卷二 圖說

六



卷二 西

北

喀什噶爾圖說

東南界葉爾羌英吉沙爾 西南阻大山 西及北


界布魯特

叅贊大臣駐劄 協辦大臣一 英吉沙爾領隊大

臣一

喀什噶爾由城東北而西轉南共設卡倫大小十八
座外通布魯特西達霍罕安集延諸部係叅贊大臣
專轄

黃國淦鐫



南

安集延

特魯布

英吉沙爾界

卷二圖東說

卷二圖西

喀什噶爾

楚克河

木什

吉村

通烏什

霍達干

右惠特

特魯布

北



李月千鐫

英吉沙爾圖說

西北界喀什噶爾 東界葉爾羌 西及南界布魯特

領隊大臣駐劄隸喀什噶爾叅贊大臣轄

英吉沙爾由城西北而南設有卡倫十二座外通布魯特西南千數百里以外通巴達克山諸部係領隊大臣專轄



卷二 圖說

三三

西

安集延


南

北

黃鼎選鐫


葉爾羌圖說

東界阿克蘇 東南界和闐通西藏 西南阻大山
 東南界布魯特 北阻荒灘戈壁 西北界喀什
 噶爾
 辦事大臣二員駐劄
 葉爾羌由西南轉而東北設有卡倫七處西南一帶
 外通布魯特東北卡倫向為稽查逃人係辦事大臣
 專轄自葉爾羌東西出庫庫雅爾卡倫經和闐西南
 行月餘可達西藏路多戈壁



東圖說

三四



西圖說

北

黃廷槐鐫

和闐圖說

西北界葉爾羌 東北界阿克蘇及庫車所屬之沙雅爾 西南及東阻大山

辦事大臣二員駐劄聽葉爾羌大臣節制

和闐東西河安設卡倫十二座向為稽查採玉又扎爾瑪安設卡倫一座路通阿克蘇為稽查逃人係辦事大臣專轄

黃廷森鐫


烏什圖說

北界伊犁 西北界布魯特 南界葉爾羌 東界

阿克蘇 西通喀什噶爾


辦事大臣駐劄

烏什城西北一帶安設卡倫六座外通布魯特係辦事大臣專轄



卷二
圖說


天



南

西

北



黃開杰鐫



阿克蘇圖說

北界伊犁 西界烏什 西南界葉爾羌 東北界

庫車

辦事大臣駐劄

阿克蘇東北通著勒土斯安設卡倫二座為稽查喀喇沙爾之游牧土爾扈特和碩特屬下人等禁其私越係辦事大臣專轄



卷二圖說

三十

卷二圖說

南

北

黃鼎祐鐫



庫車圖說


西北界伊犁 西南界阿克蘇 東北界喀喇沙爾

東南阻沮洳

辦事大臣駐劄

庫車城西北而南安設卡倫五座專為稽查逃人係
辦事大臣專轄





黃君錫鑄

喀喇沙爾圖說

西北界伊犁 東北界烏魯木齊 西南界庫車

南阻沮洳

辦事大臣駐劄


游牧土爾扈特汗一 貝子一 公一 扎薩克頭

等台吉二 協理台吉四

游牧和碩特貝子一 扎薩克頭等台吉二 協理


台吉三 其游牧地名著勒土斯

喀喇沙爾城東北設有卡倫二座專為稽查逃人係
辦事大臣專轄



卷二圖說

三西



南

北

卷二西

東南界喀喇沙爾
東北界烏魯木齊
西南界哈密庫車
西北界伊犁之
納喇特達巴罕


上關都河
和碩特遊牧

納喇特
達巴罕
伊犁

土魯番圖說

西北界烏魯木齊 西南界喀喇沙爾 東界哈密
東北界巴里坤 東南界所屬羅卜淖爾
領隊大臣駐劄隸烏魯木齊都統轄
土魯番城西南而東設有卡倫六座專爲稽查逃人
係領隊大臣專轄

黃先培鐫



黃鼎智鑑



哈密圖說

西界土魯番 南界戈壁 北界巴里坤 東界安

西州近嘉峪關

辦事大臣二員駐劄

哈密安設卡倫十九座專為稽查逃人係辦事大臣
專轄



洪林貴錫

書
冊
定
大
角

